

- * Ego B. tit. Sancte Crucis in Hierusalem, Presbyter Card. Sanchoval.
- * Ego Guido tit. S. Marie de Populo Card. Benivolus.
- * Ego Fr. Desiderius tit. S. Caroli Presbyter Card. de Cremona.
- * Ego Augustinus tit. S. Bartholomaei in Insula Presb. Card. Spinula.
- * Ego Fr. Antonius tit. Sancti Honorii Presb. Card. S. Honorii.
- * Ego Aloysius tit. S. Prudentiae Presbyter Card. Cajetanus.
- * Ego Bernardinus tit. S. Stephani in Monte Pincio Presb. Card. Spada.
- * Ego Landivinus tit. S. Petri ad Vincula Presb. Card. S. Sixti nuncupat.
- * Ego Berlingevius tit. S. Augustini Presb. Card. Gypsius.
- * Ego Julius tit. S. Susanna Presbyter Card. Sacchetti.
- * Ego Jo. Baptista tit. S. Eusebii Presbyter Card. Pamphilius.
- * Ego Jo. Fr. tit. S. Alexii Presb. Card. a Balneo.
- * Ego F. tit. S. Laurentii in Pane, & Perona Presb. Card. Verospius.
- * Ego Aegidius tit. S. Mariae in Via Presb. Card. Albornotius.
- * Ego Gregorius tit. SS. Quiricii, & Julita Presb. Card. Narus.
- * Ego Lucas Antonius tit. S. Salvatoris in Lauvo Presb. Card. Virilis.
- * Ego Hippolytus S. Angeli in foro Piscium Diaconus Card. Aldobrandinus, Sanctae Romanae Ecclesiae Camerarius.
- * Ego Franciscus S. Agathe Diaconus Cardinalis Barberinus.

- * Ego P. Maria Burgbesius Diaconus Card. S. Georgii.
- * Ego Hieronymus SS. Quatuor Coronatorum Diaconus Card. Vidonus.
- * Ego L. SS. Viti, & Modesti Diaconus Cardinalis Bisca.
- * Ego Martius S. Mariae Nova Diaconus Cardinalis Ginettus, Sanctissimi Domini Nostri Papa Vicarius.
- * Ego Alexander S. Mariae in Domnica Diaconus Card. Casarinus.
- * Ego Card. Antonius Barberinus Signatura Justitiae Praefectus.
- * Ego Hieronymus S. Agnetis in Agone Diaconus Card. Columna.

CCCLV.

Ecclesiasticis Sardiniae permittitur, non nihil Regi persolvere in futuro Parlamento.

Ex Regest. in Secret. Breve.

Dilectis filiis universo Clero Insulae Sardiniae.

URBANUS PAPA VIII.

Dilecte fili noster salutem, & apostolicam benedictionem.

§.1. **C**um, sicut Nobis nuper exponi fecistis, Parlamentum Generale, cujus celebrationi nonnulli nomine status Ecclesiastici istius Insulae intervenire solent, in eadem Insula de mandato charissimi in Christo filii nostri Philippi Hispaniarum Regis Catholici propediem conveniendum sit, & in eodem Parlamento necessaria quaedam expensae sustineri, & subsidia ordinaria eidem Regi praestari consueverint, in quibus supportandis, ecclesiasticae quoque personae ab immemorabili tempore citra de hujus Sanctae Sedis licentia contribuere solite fuerint, & in Parlamento convocando hujusmodi similiter in expensis, & oneribus sustinendis, & supportandis praedictis contribuere posse desideretis, si nostra, & ejusdem Sanctae Sedis licentia vobis suffragetur, & facultas. Nobis propterea dictus Philippus Rex humiliter supplicari fecit, ut super praemissis opportune providere de benignitate apostolica dignaremur.

Episcopi Regni Sardiniae permittit sibi petunt, non nihil de more Regi solvere in futuro Parlamento.

§.2. Nos igitur tam ejusdem Philippi Regis, quam vestrarum conscientiarum securitati quantum cum Domino possumus consulere, dictumque Philippum Regem, & vos specialibus favoribus, & gratis prosequi volentes, & vestrum singulares personas a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodate existunt, ad effectum praesentium dumtaxat consequendum, harum serie absolventes, & absolutas fore censentes, hujusmodi supplicationibus inclinati, tam Philippo Regi pra-

Permiserit Urbanus.

praedicto, ut ratam contributionis subsidiorum ordinariorum praedictorum in Parlamento convocando hujusmodi praestandum vos tangentem, a vobis exigere, seu exigi facere, quam vobis, ut eandem ratam, juxta solitum, & consuetum solvere liberè, & licite valeatis, apostolica auctoritate tenore praesentium pro eodem Parlamento convocando dumtaxat concedimus, & indulgemus.

Derogat obstantibus.

Dat. die 29. Janu. 1631. An. VIII.

§.3. Non obstantibus Constitutionibus, & Ordinationibus Apostolicis, ceterisque contrariis quibuscumque.

Datum Romae apud Sanctum Petrum sub Annulo Piscatoris die 29. Januarii 1631. Pontificatus Nostri Anno Octavo.

CCCLVI.

Ex Regest. in Secret. Breve.

Decretum, ut quotannis solvantur Fabricae Basilicae Principis Apostolorum de Urbe decem mille ducati de Camera ex Cruciatu Portugalliae.

Charissimo in Christo filio nostro Philippo Portugalliae, & Algarbiorum Regi Catholico.

URBANUS PAPA OCTAVUS

Charissime in Christo fili noster, salutem, & apostolicam benedictionem.

Restituta prout a se nuper Cruciatu privilegia pro Regis Portugalliae, & Algarbiorum.

§.1. **H**odie per alias nostras in simili forma Brevis expeditas literas indulgentias, & gratias illas spirituales, & temporales ad certum tempus publicandas, & duraturas cla. me. Philippo II., & Philippo III. Portugalliae, & Algarbiorum Regibus Catholicis Avo, & Genitori tuis respective, ac omnibus, & singulis Christianidelibus in Portugalliae, & Algarbiorum Regnis, ac eorumdem Regnorum Insulis in Indiis Orientalibus, & Ultramarinis conquectis Terris, & Locis ejusdem Portugalliae, & Algarbiorum Regnis, dominio temporali subiectis, commorantibus, & ad illa declinantibus, necnon Regnorum praedictorum subditis in alieno dominio in dictis Indiis mercimonii causa, non tamen animo in alieno dominio hujusmodi permanendi degentibus, qui certa munera adimpleverint a sel. rec. Gregorio XIV. die 6. Aprilis Pontificatus sui Anno primo, & deinde a Clemente VIII. die 9. Februarii 1592., & 19. Januarii 1598., & die 30. Octobris 1603., necnon die 23. Aprilis 1604., & postea a Paulo V. die 22. Junii 1605. ad triennium, & die 16. Decembris 1609. ad sexennium, & die 23. Decembris 1615. ad aliud sexennium, & postmodum a Gregor. XV. Romanis Pontificibus Praedecessoribus nostris die 16. Septembris 1621., & novissime a Nobis die 10. Junii 1625. seu aliis prioribus temporibus per suas, & nostras respective in eadem forma Brevis expeditas Literas similiter ad sexennium a d. die 10. Junii 1625. inchoantibus Bull. Rom. Tom. VI. Par. I.

dum respective similiter publicandas, & duraturas concessas, & seu, ut praefertur, extensas, & prorogatas, quarum omnium tenores praesentibus pro expressis haberi volumus, justis, & gravibus causis adducti ad aliud sexennium a data primodictarum nostrarum Literarum inchoandam extendimus, & prorogavimus, necnon eidem Majestati Tuae, ac omnibus Christianidelibus praedictis Indulgentias, & gratias spirituales, & temporales praedictas cum omnibus, & quibuscumque indultis, facultatibus, concessionibus, declarationibus, extensionibus, conditionibus, clausulis, & decretis, in Gregorij XIV. ac Clementis, & Pauli, necnon Gregorij XV. Praedecessorum praedictorum, quae ultimo dictis Pauli Praedecessoris praedicti Literis non adferantur, & iisdem ultimodictis Pauli Praedecessoris praedicti, ac nostris Literis contentis ad sexennium similiter concessimus, & indulgemus, prout in primo dictis nostris Literis hujusmodi plenius continetur.

§.2. Ur autem fabrica Basilicae Principis Apostolorum de Urbe, quae in ejusdem Apostolorum Principis honorem jam multis Annis ingentibus sumptibus extruitur, parte alia eorumdem fidelium elemosynarum adjuvetur. Volumus, & dista auctoritate, tenore praesentium decernimus, ut ex elemosynis, quae causa, & occasione dictarum Indulgentiarum, & gratiarum erogabuntur, decem millia ducata auri de Camera quotannis a dat. praesentium incipient, eidem fabricae impartiri, ac pro ea Venerabili fratri Laurentio Episcopo Hieracen. spoliatorum, & jurium Camerae Apostolicae in dictis Regnis moderno, & pro tempore existent. Collectori solvi omnino debeant.

Decem mille Ducat. Pabrie S. Petri persolvi jubet

§.3. Mandantes propterea dilecto filio Antonio Mascarenhas praedictarum gratiarum exequutori, & Commissario a Nobis deputato, & pro tempore exequutori, & Commissario deputando, omnibusque, ad quos spectat, & spectabit, ut praedictam pecuniarum summam Collectori praedicto integrè solvi faciant.

Mandatum. hae de re Collectori spoliatorum.

§.4. Non obstantibus Constitutionibus, & Ordinationibus Apostolicis, ceterisque contrariis quibuscumque.

Contrariis derogato.

Datum Romae apud Sanctum Petrum sub Annulo Piscatoris die 11. Febr. 1631. Pontificatus Nostri Anno Octavo.

Dat. die 11. Febr. 1631. An. VIII.

CCCLVII.

Erectio unius Congregationis Fratrum Discalceatorum Reformatorum Ordinis Sanctissimae Trinitatis Redemptionis Captivorum in Regno Franciae.

URBANUS PAPA OCTAVUS

Ad futuram rei memoriam.

Alias a Nobis emanarunt Literae tenoris subsequentiis, videlicet: Urbanus Papa Octavus. Ad perpetuam rei memoriam.

Procurator.

K k

Ad militantis Ecclesie regimen divina dispositione, meritis licet imparibus evecti, illud Nobis praeter ceteris curandum proposuimus, ut Ecclesiasticorum, & Religiosorum Ordines quoscumque ad pristini regularis cujuscumque eorum instituti normam, a qua non parum deflexerunt, quantum in Domino possumus, reduceremus. Ac propterea, qui sua sponte religionis, ac arctioris vitae zelo ducti pristinae Regulae, quam suae Religionis auctores instituerunt, observantiam cum antiquo illo rigore amplecti, ac de cetero sectari consueverunt, eosdem non solum in eorum proposito confovere, sed etiam opportunis gratiis, & favoribus libenter prosequi solemus.

Causa hujus Constitutionis

§.1. Cum itaque, sicut accepimus, nonnulli pii, & religiosi Ordinis Sanctissimae Trinitatis Redemptionis Captivorum professores Regni Franciae pie considerantes praedictum Ordinem, qui a fel. rec. Innocentio Tertio Praedecessore nostro institutus, & confirmatus fuit, prout in ejus Literis sub datum in Laterano, quinto Idus Februarii, Pontificatus sui anno primo, expeditis continetur, temporum injuria, & hominum tepiditate a primi ejus instituti regularis observantia deflexisse, & laxiorem vivendi modum suscepisse, & adhuc retinere, ac propterea divina inspirante gratia arctioris vitae zelo ducti primum dicti Ordinis regulare institutum imitari cupientes, postpositis quibuscumque corporis commoditatibus, dummodo Christum lucrifacerent, pristina ipsius Ordinis Regulam a praedicto Innocentio Praedecessore institutam, cum pristino illo rigore observare coeperint, & nonnullas ejusdem Ordinis domos ad hujusmodi primitivam Regulam reducerent, videlicet: S. Dionisii de Urbe, S. Laurentii Aquensis, & SS. Trinitatis Nannetensis, & seu de novo instituire sperent, ac alii quamplures eorum vestigia servantes sub eadem primitiva Regula observantia Altissimo famulari desiderant.

§.2. Nos, qui pro nostri Pastoralis officii debito Religiosorum quorumcumque statui prospere dirigendo libenter intendimus, pium distorum Religiosorum propositum summopere in Domino commendantes, ac eorum laudabilia principia, felicioribus progressibus, quantum cum Domino poterimus, augere cupientes, & eorum quemlibet a quibuscumque excommunicationis, suspensionis, & interdicti, aliisque ecclesiasticis sententiis, censuris, & poenis, a jure, vel ab homine, quavis occasione, vel causa latis, si quibus quomodolibet innodati existunt, ad effectum praesentium demtaxat consequendum, harum serie absolventes, & absolutos fore censentes, ex Venerabilium Fratrum nostrorum Sanctae Romanae Ecclesiae Cardinalium super Episcoporum, & Regularium negotiis, & consultationibus deputatorum, quibus hoc negotium examinandum, & Nobis referendum commissimus, sententia.

Concedit prout in Rubr.

§.3. Motu proprio, & ex certa scientia, ac matura deliberatione nostris, deque a-

postolica potestate plenitudine, unam Provinciam, seu Congregationem Fratrum Reformatorum, & Discalceatorum Ordinis Sanctissimae Trinitatis Redemptionis Captivorum nuncupandam, qui primitivam Regulam Ordinis praedicti, perpetuo observent, habitu, quem modo gestant, utentes, in Regno Franciae, per unum Priorem Provinciale in Capitulo dictae Provinciae, seu Congregationis, postquam, ut in Domino speramus, eorumdem Religiosorum Reformatorum numerus auctus fuerit, canonice pro tempore celebrando, ex eisdem Reformatis, & Discalceatis eligendum, regendam, & gubernandam in perpetuum, auctoritate apostolica, tenore praesentium erigimus, & instituis, eamque sic erectam, & institutam ab aliis Provinciis, & Congregationibus dicti Ordinis perpetuo sejungimus, separamus, & dismembramus, ipsosque Fratres Reformatos, & eorum Domos, & Monasteria, tam haec tenore erecta, quam in posterum erigenda, ab omni, & quacumque jurisdictione, visitatione, & superioritate, tam Commissarii Generalis, quam aliorum Ministrorum Provincialium, aut localium, & aliorum quorumcumque Superiorum ejusdem Ordinis, super dictis Reformatis, & eorum Domibus eis competente, excepto Ministro Generali, ut infra dicitur, perpetuo eximimus, & liberamus.

§.4. Ipsamque, tam Provinciam, seu Congregationem Fratrum Reformatorum Discalceatorum, ejusque Domos, & Monasteria praesentia, & futura, sub obedientia, & superioritate Ministri Generalis totius Ordinis praedicti, sicut aliae Provinciae ejusdem Ordinis ei subsunt, & subjacent, perpetuo subesse, atque subiectam remanere, & subjacere volumus, qui per seipsum tantum, vel alium idoneum, ex ipsis tamen Fratribus Reformatis ab eo eligendum, eos, juxta eorum primitivam regulam, & instituta regularia, visitare, reformare, corrigere, & punire possit, in Monasteriis tamen, domibus, & locis eorumdem Fratrum Reformatorum, extra quae nullatenus dicti Fratres Reformati, vel alii qui eorum ab eodem Ministro Generali quovis praetextu, vel occasione amoveri, assignari, mutari, extrahi, aut transferri, vel ad alias Provincias mitti, aut in eis retineri possint, nec ipse Minister Generalis aliqua ejusdem Ordinis Fratrum Reformatorum statuta auctoritate Sedis Apostolicae confirmata, seu confirmanda, vel quae ipse Nuncius nunc fecerit, vel quae postea a quocumque Capitulo Provinciali distorum Fratrum Reformatorum facta fuerint, si auctoritate nostra, ut dictum est, fuerint confirmata, mutare, nec aliquas gratias, exemptiones, aut privilegia alicui, vel aliquibus adversus ipsa statuta concedere valeat.

Subiicit Provinc. Min. Generali.

§.5. Quia vero nonnulli praedicti Fratres Reformati ex praedicto Ordine Regulae modificatae, quam professi olim fuerint sunt assumpti, volumus, & mandamus, ut his,

Datur annus probationis ad deliberandam.

his,

is, & aliis, qui dictum est, ex Conventibus dictam primitivam regulam non profitentibus ad hos Reformatos in posterum recipiant, anni spatium concedatur loco probationis, intra quem, si qui praedicti instituti, vitaeque austeritatem tolerare non possint, ad Priores Conventus reverti liceat, & si Reformati sibi minus expedire eorum societatem existimaverint, missos facere valeant; post annum vero elapsum, quod ad experimentum, periclitationemque conceditur, sine nova professione nulli Fratrum Reformatorum hujusmodi liceat ad aliam religionem, neque etiam ad ullam aliam ejusdem Ordinis Provinciam, aut Congregationem, dictam primitivam Regulam non profitentem, absque apostolica nota transire.

Examinandi sunt.

§.6. Ut autem in hujusmodi Monasteriis il tantummodo admittantur, qui ad onera supradictae primitivae Regulae supportanda habiles, & idonei futuri sint, dilecto filio nostro, & Apostolicae Sedis in eodem Regno Franciae Nuncio nunc, & pro tempore existenti per praesentes committimus, & mandamus, quatenus aliquem Religiosorum ex Fratribus Ordinis Discalceatorum B. Mariae de Monte Carmelo, aut alicujus alterius Ordinis Mendicantium Reformati, pietate, prudentia, doctrina, & experientia, ac in primis religionis zelo praestantem, quem ad hoc munus magis aptum, & idoneum judicaverit, in Visitatorem praedictorum Fratrum Reformatorum Discalceatorum Ordinis Sanctissimae Trinitatis eligat, qui Monasteria praedictorum Fratrum Reformatorum personaliter visitare, & singulorum Fratrum praedictorum, qui hujusmodi primitivae Regulae observantiam amplexi sunt, vitam, mores, & qualitates diligenter inquirat, ac eorum, quos vere arctioris vitae zelo ductos ad hanc primitivae Regulae normam transire judicaverit, professionem per eos, ut supra dictum est, emittendam recipere curet: ceteros vero, quos minus idoneos, & aptos esse compererit, ut habitum Fratrum Reformatorum dimittant, & ex eorum Domibus exeant, & ad modificatae regulae praedictae Domos revertantur, auctoritate nostra, etiam sub excommunicationis, aliisque censuris, & poenis Ecclesiasticis cogat, & compellat.

Edantur statuta.

§.7. Praeterea idem Nuncius cum consilio praedicti Visitatoris, ac aliorum piorum, & eruditorum virorum distorum Ordinum Discalceatorum Carmelitarum, aut alicujus alterius Ordinis Mendicantium Reformati, & etiam ex ipsismet Reformatis SS. Trinitatis Statuta, & Constitutiones pro felici dictae Provinciae Reformatorum, ejusque Domorum, & Monasteriorum gubernio, primitivae Regulae praedictae, ac Sacris Canonibus, & Concilii Tridentini decretis non adversantes, auctoritate nostra faciat, & observari mandet.

Instituantur Magistri Novitiorum.

§.8. Ministros insuper, Domorum Vicarios, & Magistros Novitiorum, tam ex praedictis Reformatis, si alioquin idonei Bull. Rom. Tom. VI. Par. I.

fuerint, quam etiam in supplementum ex dictis Carmelitis, aut alicujus alterius Ordinis Mendicantium Reformati, prout felici hujus novae Provinciae progressui in Domino magis expedire judicaverit, eadem auctoritate nostra eligat. Dantes, & concedentes eidem Nuncio, & ab eo deputando Visitatori praedicto, aut alii, vel aliis, quos idem Nuncius ad hoc semel, aut iterum, ut praemittitur, duxerit deputandos respective, tam praemissa faciendi, quam etiam Domos, seu Monasteria ejusdem primitivae regulae visitandi, ac Ministris, seu aliis eorum Superioribus, ut eos, qui relicto saeculo ad praedictam Religionem confugerent, divina inspirante gratia, statuerint, & alios, qui ex praedicto Ordine modificatae regulae SS. Trinitatis, aut ex aliis, laxioris tamen regulae Ordinibus, ad praedictum Reformatorum Ordinem transire voluerint, servatis servandis, admittere possint, licentiam concedendi, dummodo quoad eos, qui ex aliis Ordinibus ad hunc transitum facere voluerint, major pars vocalium Domus, in qua recipiendi erunt, in illum consentiat, & Visitatoris praedicti licentia accedat: & nihilominus integrum Novitiatum annum, prout alii de novo recipiendi, antequam professionem emittant, perficiant.

Ad Capitulum convocentur.

§.9. Postquam autem, benedicente Domino, praedictorum Fratrum Reformatorum Ordinis Sanctissimae Trinitatis numerus creverit, ita ut praedictorum externorum Religiosorum auxilium non indigerint, & octo saltem Domos, seu Monasteria habuerint, in quorum singulis duodecim saltem Fratres Reformati hujusmodi existant, praedictus Nuncius eos ad Capitulum celebrandum convocari faciat, & in dicto Capitulo ipse praesideat, & tam Visitator, quam Ministri, & eorum Procuratores, canonice electi, vocem, & locum habeant, ac Ministrum Provinciale, ceterosque Ministros Domorum ex eisdem Fratribus Reformatis, juxta praesentium tenorem, & regularia ejusdem Ordinis instituta eligant: ipse vero Minister Provincialis primo electus auctoritate nostra praedicta ea vice demtaxat ab ipso Nuncio confirmetur, & tam ipse, quam ejus successores eandem Provinciam Fratrum Reformatorum, salva semper Ministri Generalis, tam in ipsam Provinciam, quam in eundem Ministerium Provinciale pro tempore eligendum, ut supra dictum est, superioritate, ita ut visitandi, regendi, & gubernandi plenam, & omnimodam habeat potestatem.

Provinciales confirmentur a Min. Generali.

§.10. Ceteri autem Ministri Provinciales pro tempore in Capitulis Provincialibus, quae de triennio in triennium, tam pro statutis faciendis, moderandis, aut ex causa abrogandis, quam electionibus Superiorum, & aliis ad bonum regimen ejusdem Provinciae pertinentibus faciendis, & ordinandis celebrari debeant, eligendi, a Ministro Generali confirmationem quamprimum petere, ac obtinere curabunt; statim tamen, ac electi fuerint, praedictam auctori-

Habeant Procuratores Generales.

Gaudeant privilegiis.

Prohibita ne molestantur.

Decretum legitimum.

Executores deputati.

toritatem habeant, & exercere possint.

§.11. Concedimus quoque eidem Provinciae, ut cum crescente numero Domorum, & Fratrum, prout supra dictum est, Provinciam elegerint, Procuratorem Generalem apud Sedem Apostolicam pro eisdem Provinciae negotiis tractandis deputare, & perpetuo retinere valeant.

§.12. Præterea omnibus, & singulis dictæ Provinciae personis nunc, & pro tempore existentibus, quod omnibus, & singulis privilegiis, gratiis, & indulgentiis, exemptionibus, & immunitatibus, prærogativis, favoribus, & indultis, tam spiritualibus, quam temporalibus, quibus Fratres dicti Ordinis de jure, vel consuetudine, aut alias quomodolibet utuntur, potiuntur, & gaudent, ac uti, potiri, & gaudere poterunt quomodolibet in futurum, decretis Sacri Concilii Tridentini, Constitutionibus Apostolicis, ac primitivæ regulæ prædictis non contrariis, uti, potiri, & gaudere libere, & licite valeant, indulgemus.

§.13. Inhibentes Ministro Generali Ordinis Sanctissimæ Trinitatis, Commissario Generali, Ministris Provincialibus, & Localibus, & aliis quibuscumque dicti Ordinis Superioribus, ne per se, aut alios prædictos Reformatos ejusdem Ordinis, aut etiam Visitatores prædictos, aut super præmissis quoquomodo molestare, aut inquietare audeant, vel præsumant, etiam si nondum professionem prædictam Regulæ primitivæ emiserint: quod si secus fecerint, eos, & eorum singulos excommunicationis sententia ipso facto incurrenda innodamus: dicti verò Reformati nullo modo parere, aut deferre teneantur, salva tamen in rebus obedientia dicti Ministri Generalis, cui eos perpetuo subiectos esse, & subiacere volumus, ut dictum est.

§.14. Decernentes præsentem Literas nullo umquam tempore de subreptionis, vel obreptionis vitio, aut intentionis nostræ defectu, etiam ex eo, quod omnes interesse habentes forsitan vocati non fuerint, notari, argui, seu impugnari, aut sub quibusvis revocationibus, suspensionibus, limitationibus, aut aliis contrariis dispositionibus, etiam ab eadem Sede emanatis, & in posterum emanandis comprehendere posse, sed illas semper validas, & efficaces existere, suosque plenarios, & integros effectus sortiri debere: sique per quoscumque Judices, & Commissarios quavis auctoritate fungentes, sublata eis, & eorum cuilibet quavis aliter iudicandi, & interpretandi facultate, & auctoritate, iudicari, & definiri debere, ac irritum, & inane, si secus super his a quoquam quavis auctoritate, scienter, vel ignoranter contigerit attentari.

§.15. Quocirca eidem moderno, & pro tempore existenti in dicto Regno Franciæ Nuntio, ac venerabilibus Fratribus modernis Episcopis Senonensi, & Lingoniensi per præsentem committimus, & mandamus, quatenus ipsi, vel duo, aut unus eorum, per se, vel alium, seu alios præsentem Literas, & in eis contenta quæcumque ubi, &

quando opus fuerit, & quoties pro parte Fratrum Reformatorum prædictorum defuerit fuerint requisiti, solemniter publicantes, illisque in præmissis efficacis defensionis præsidio assistentes, faciant eos auctoritate nostra præmissis omnibus, & singulis, juxta præsentium continentiam, & tenorem pacifice frui, & gaudere. Non permitte eos desuper per Ministrum Generalem, aliosque prædictos quomodolibet indebite molestari: contraditores quoslibet, & rebelles per sententias, censuras, & poenas Ecclesiasticas, aliaque opportuna juris, & facti remedia, appellatione postposita compescendo, legitimisque super his habendis servatis processibus, censuras, & poenas ipsas, etiam iteratis vicibus aggravando, invocato etiam ad hoc, si opus fuerit, auxilio brachii secularis.

§.16. Non obstantibus præmissis, ac aliis Apostolicis, necnon in Provincialibus, & Synodalibus Conciliis editis generalibus, vel specialibus constitutionibus, & ordinationibus, ac etiam juramento, confirmatione apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis prædictis, vel quibusvis aliis personis sub quibuscumque tenoribus, & formis, ac cum quibusvis etiam derogatoriis, derogatoriis, aliisque efficacioribus, & insolitis clausulis, irritantibusque, & aliis decretis in genere, vel in specie, etiam Motu proprio, & aliis quomodolibet concessis, approbatis, & innovatis. Quibus omnibus, etiam si illorum sufficienti derogatione de illis, eorumque totis tenoribus, specialibus, specificis, expressis, & individua, ac de verbo ad verbum, non autem per clausulas generales, idem importantes mentio, seu quavis alia expressio habenda, aut aliqua alia exquisita forma ad hoc servanda foret, eorum tenores præsentibus pro plene, & sufficienter expressis habentes, illis aliis in suo robore permanentibus, hac vice dumtaxat specialiter, & expresse derogamus, cæterisque contrariis quibuscumque: aut si aliquibus communiter, aut divisim ab Apostolica sit Sede indultum, quod interdicti, suspendi, vel excommunicari non possint per Literas Apostolicas non facientes plenam, & expressam, ac de verbo ad verbum de indulto hujusmodi mentionem.

§.17. Cæterum, quia difficile foret earundem præsentium literarum notitiam ad quascumque personas pervenire, & ubique illas præsentare, eadem auctoritate volumus, & decernimus, quatenus transumptis earundem præsentium literarum manu alicuius Notarii publici subscriptis, & sigillo alicuius personæ in dignitate ecclesiastica constitutæ munitis eadem prorsus fides ubique adhibeatur, quæ eisdem præsentibus adhiberetur, si forent exhibitæ, vel ostensæ. Datum Romæ apud Sanctam Mariam Majorem, sub Annulo Piscatoris, die 12. Septembris 1629. Pontificatus nostri Anno Septimo.

§.18. Cum autem, sicut pro parte dictorum

Contrariis derogat.

Transumptis eadem jubet.

Confirmatio prædictorum.

etorum Fratrum Nobis denuo expositum fuit, præsertim Literæ hujusmodi multis, ac diversis in locis a se invicem distantibus executioni demandandæ sint, prædictus verò noster, & Apostolicæ Sedis Nuntius ob continuas, quibus detinetur, occupationes, ad loca hujusmodi se transferre nequeat, exindeque fiat, ut earundem Literarum executio non solum retardetur, verum etiam omnino impediatur: Nobis propterea iidem Fratres humiliter supplicari fecerunt, ut sibi desuper opportune providere de benignitate apostolica dignaremur. Nos igitur Literas prædictas debite executioni, ut par est, demandari cupientes, ac Fratres prædictos amplioribus favoribus, & gratiis prosequi volentes, eorumque singulares personas a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodata existunt, ad effectum præsentium dumtaxat consequendum, harum serie abolventes, & absolutas fore censentes, hujusmodi supplicationibus inclinatis, de Venerabilium Fratrum nostrorum Sanctæ Romanæ Ecclesiæ Cardinalium negotiis Regularium præpositorum consilio, attentis narratis, executionem præsertim Literarum nostrarum Nuntio prædicto, ut præsertim, demandatam, dilecto filio nostro Ludovico Alphonso Sanctæ Romanæ Ecclesiæ Presbytero Cardinali Lugdunensi nuncupato, Ecclesiæ Lugdunensis ex concessione, & dispensatione apostolica Præsuli, eisque in Archiepiscopatu prædicto pro tempore successores, cum facultatibus, & auctoritatibus, ac alias modo, & forma in eisdem præsertim Literis contentis, & expressis, dicta auctoritate tenore præsentium committimus, & demandamus. Non obstantibus præmissis, ac omnibus illis, quæ in eisdem Literis volumus non obstat, cæterisque contrariis quibuscumque.

Datum Romæ apud Sanctum Petrum, sub Annulo Piscatoris, die 28. Febr. 1631. Pontificatus Nostri Anno Octavo.

CCCLVIII.

Commissio Nuntio Apostolico in Germania nonnullos redditus ecclesiasticos Palatinatus Fœderi Catholico assignandi.

Dilecto Filio nostro, & Apostolicæ Sedis apud charissimum in Christo Filium nostrum Ferdinandum Romanæ Regem in Imperatorem electum Nuntio.

URBANUS PAPA VIII.

Dilecte fili, salutem, & apostolicam benedictionem.

§.1. Alias a Nobis emanarunt Literæ tenoris subsequenti, videlicet, a

Dat. die 28. Febr. 1631. An.VIII.

Ex Regest. in Secret. Breve.

Referat Literas alias emanatas.

tergo. Venerabili Fratri Carolo Episcopo Aversan. moderno, & pro tempore existenti apud charissimum in Christo Filium nostrum Ferdinandum Rom. Regem in Imperatorem electum nostro, & Sedis Apostolicæ Nuntio. Urbanus Papa VIII. Venerabilis Frater, salutem, & apostolicam benedictionem. Apostolatus officium Nobis meritis licet imparibus ex alto commissum potulat, ut peculiarem omnium Ecclesiarum, & Monasteriorum, & Locorum Piorum curam gerentes, illorum restaurationi, & mantentioni, & felici eorumdem fructuum administrationi, quantum cum Domino possumus, opportune provideamus. Itaque de Venerabilium Fratrum nostrorum Sanctæ Romanæ Ecclesiæ Cardinalium negotiis Palatinatus præpositorum consilio, Tibi per præsentem committimus, & mandamus, ut ad decennium proximum dumtaxat per Te ipsum, vel alias personas ecclesiasticas, si-ve seculares, si-ve regulares Tibi benevolis fructus, ac redditus universos bonorum ecclesiasticorum antea occupatorum in Palatinatu superiori, & inferiori, sine tamen præjudicio aliarum concessionum ab hac Sancta Sede factarum, quamdiu duraverint, auctoritate nostra exigas, & dimidiam illorum partem eidem Ferdinando Regi in Imperatorem electo, vel alteri personæ ab ipso nominandæ, eadem auctoritate assignes; aliam vero partem in Ecclesiarum restaurationem, divinique cultus augmentum, animatum curam, religionis catholice conservationem, ac propagationem, & alias in illis partibus distribuens, prout Nos personarum, rerum, ac temporum qualitate pensata, salubriter in Domino expedite arbitrabitur, ferves. Cæterum bona a locorum Ordinariis, aliisque Ecclesiis, & personis ecclesiasticis recuperata, atque ad præsentem mensis incorporata sub præsentem commissione, & mandato minime intelligantur comprehensa, sed eisdem Ordinariis, Ecclesiis, seu Beneficiis, salva, & illibata permaneant. Non obstantibus Constitutionibus, & Ordinationibus Apostolicis, ac quorumcumque Ecclesiarum, Monasteriorum, Beneficiorum, & Locorum Piorum, etiam juramento, confirmatione apostolica, vel quavis firmitate alia roboratis statutis, & constitutionibus, privilegiis quoque, indultis, & Literis Apostolicis, in contrarium præmissorum quomodolibet concessis, confirmatis, & innovatis: quibus omnibus, & singulis, illorum omnium, & singulorum tenores præsentibus pro plene, & sufficienter expressis, ac de verbo ad verbum insertis habentes, illis aliis in suo robore permanentibus, hac vice dumtaxat specialiter, & expresse derogamus, cæterisque contrariis quibuscumque. Datum Romæ apud Sanctum Petrum sub annulo Piscatoris die 13. Aprilis 1628. Pontificatus nostri Anno Quinto.

§.2. Subinde vero per alias in eadem forma Brevis expeditas Literas sub datum die 24. Julii 1628. eidem Carolo Episcopo Nuntio de eorumdem Cardinalium consilio

Alia Nuntio Apost. commissum fuit, ut due tertie partes ex fru-

Sibus Monasteriorum Palatinatus Ferdinando Regi solverentur;

lio commissimus, & mandavimus, ut predictis decem, necnon duobus aliis immediate sequen. annis duran. ex fructibus universis Monasterior. Palatinatus superioris dumtaxat, duas tertias partes eidem Ferdinando Regi in Imperatorem electo, eadem auctoritate nostra assignaret, reliquam vero tertiam partem in Ecclesiarum restaurationem, divinique cultus augmentum, animarum curam, religionis catholice conservationem, & propagationem, ac alias in dictis partibus distribuend., prout Nos perforarum, rerum, & temporum qualitate pensata salubriter in Domino expedire arbitrati fuissimus, servaret. Bona autem per locorum Ordinarios, aliasque Ecclesias, & personas ecclesiasticas recuperata, & tunc eorum mensis, seu Ecclesiarum, ac Beneficiorum incorporata sub presentis commissione, & mandato nostro minime intelligerentur comprehensa, sed eisdem Ordinariis, Ecclesiis, & Beneficiis salva, & illibata, necnon eadem presentis Literarum in omnibus, & per omnia, firma, & in suo robore respectively permanent, itaut predictis quodecim annis, prioribus decem in eis tamen computatis, elapsis, omnes fructus liberi omnino remaneret, prout in posterioribus Literis hujusmodi, quatum tenores presentibus pro sufficienter expressis, ac de verbo ad verbum insertis habemus, plenius continetur.

Subeuntibus vero gravibus expensis Germanice Ordinis;

§.3. Cum autem, sicut accepimus, Venerabiles Fratres Archiepiscopi, & Episcopi, ac dilecti filii nobiles viri Principes, atque Ordines Germanice Catholice confederati pro militariibus provisionibus faciendis gravia expensarum onera, ad Fidei orthodoxe contra illius hostes defensionem, & propagationem, subierint;

Reliquae dimissionum partem subministrari jubet.

§.4. Nos exercitus fœderis catholici hujusmodi, quia tam causa religionis, & publica, quam necessaria concurrunt, manutentioni mediante reddituum ex bonis ecclesiasticis ab hæreticorum manibus ereptis assignatione, quantum cum Domino possumus, consulere volentes, Motu proprio, & ex certa scientia, ac matura deliberatione nostris, Tibi per presentes committimus, & mandamus, ut ex fructibus universis bonorum ecclesiasticorum antea in Palatinatu superiori, & inferiori occupatorum, aliam dimidiam illorum partem, necnon ex fructibus universis Monasteriorum Palatinatus superioris dumtaxat reliquam tertiam partem, quas respectively modo, & forma præmissis arbitrio nostro distribuendas servari mandavimus, ut præfertur, eidem fœderi catholico pro manutentione exercitus ad triennium proximum, si tamdiu fœdus duraverit, & exercitus hujusmodi manutenebitur, & cum hoc, ut ex ipsa dimidia fructuum universorum bonorum ecclesiasticorum utriusque Palatinatus, ex dicta tertia parte fructuum Monasteriorum Palatinatus superioris tantum impense pro oneribus Ecclesiarum in utroque Palatinatu existentium, & administratione curarum animarum, & Sacramentorum sufficientes

subministrantur, apostolica auctoritate prædicta assignes.

§.5. Caterum bona a locorum Ordinariis, aliisque Ecclesiis, & personis ecclesiasticis recuperata, & eorum mensis, seu Ecclesiis, & Beneficiis incorporata sub presentis commissione minime intelligantur comprehensa, sed eisdem Ordinariis, Ecclesiis, & Beneficiis salva, & illibata, ac singulæ Literarum nostrarum prædictarum in reliquis in omnibus, & per omnia firma, & in suo robore respectively permanent, ita tamen ut dicto triennio elapso, & interim si fœdus prædictum non duraverit, & prædictus Exercitus non manutenebitur, dimidia, & reliqua tertia partes respectively fructuum hujusmodi omnino liberæ remaneant.

§.6. Non obstantibus omnibus illis, quæ in dictis Literis volumus non obtinere, ceterisque contrariis quibuscumque.

Datum Romæ apud Sanctum Petrum sub annulo Piscatoris die 1. Martii 1631., Pontificatus nostri Anno VIII.

A prædicta solutione eximuntur bona a locorum Ordinariis recuperata.

Detogatio contrarium

Dat. die 1. Martii 1631. An.VIII.

CCCLIX.

Confirmatio nonnullorum statutorum Congregationum Lombardiæ, & Tusciæ Monachorum Ordinis Cisterciensis, pro Reformatione in eis statuenda.

Cistercienses Provinciae Tuscia, & Lombardia univit in unam Congregationem Sancti Bernardi in Italia nuncupandam Alexand.VI. in Const.X. Plantatus. Tom.III. Par.III. fol.240. Julius II. Const.XXXII. Ex paterna. ibid. fol.323.

URBANUS PAPA VIII.

Ad perpetuam rei memoriam.

IN Sede Principis Apostolorum, nullis licet nostris suffragantibus meritis, divina providentia constituti, inter multiplices pastoralis officii curas, ad ea, per quæ regularis disciplina observantia in quibuslibet Ordinibus, & Congregationibus conservetur, majoraque in dies suscipiat incrementa, sollicitudinis nostræ partes sedulo intendimus, & iis, quæ propterea pie, & provide statuta sunt, apostolicæ confirmationis robur libenter adiciimus, prout conspiciamus in Domino salubriter expedire.

Procedium.

§.1. Cum itaque, sicut accepimus, pro felici, prosperoque dilectorum filiorum Monachorum Cisterciensis Ordinis Congregationum Lombardiæ, & Tusciæ insimul unitarum, statu, & reformatione in eis introducenda nonnulla Constitutiones, & Statuta edita, & a dilecto filio nostro Roberto tituli Sancti Alexii Presbytero Cardinali Ubaldino nuncupato, ejusdem Ordinis apud Nos, & Apostolicam Sedem Protectore, ac duobus aliis Romanæ Curie Prælati pietate, doctrina, & religionis zelo præ-

Cause hujus Constitut.

Statuta re- censentur.

præstantibus, auditis etiam, & consultis dilectis filiis Præside, Procuratoribus, & duobus ex antiquioribus Abbatibus dictarum Congregationum, de mandato nostro visa, & examinata fuerint, tenoris subsequentis, videlicet.

Prælati omnes quorumcumque Monasteriorum residentiam requirentium debeant omnino in eis personaliter residere, nec ullo prætextu possint ab eis abesse ultra tempus præscriptum a Constitutione edita a Capitulo anni 1616. videlicet: ultra viginti dies continuos, vel in totius anni cursu ultra quadraginta dies, continuos, & discontinuis computatis, sine licentia regiminis ex legitima causa in licentia exprimentanda, & in actis redigenda abfuerit a suo Monasterio, graviter puniatur, etiam privatione vocis activæ, & passivæ: quin etiam ipsi Patres regiminis, si absque legitima causa hujusmodi licentiam concesserint, gravi poena, pro arbitrio desinatorii afficiantur.

Universæ pecuniæ communes ad singulas Provincias pertinentes habeantur repositæ, & custodite in capsa triclavi, quæ retineatur clausa tribus clavibus, quarum una remanere debeat penes caput regiminis, altera penes Visitatorem majorem, tertia penes Caplerium, quo munere fungi debeat unus ex Abbatibus titularibus, qui pro Provincia Lombardiæ teneatur residere in Monasterio Sancti Ambrosii, isque eligi debeat per Capitulum, & interim usque ad ejus celebrationem providebit. Illustrissimus Protector, distulque Caplarius retineat libros introitus, & exitus, in quibus omnia distincte, & ordinate adnotata appareant, nec aliquid omnino erogare, aut solvere possit alicui personæ absque mandato regiminis scriptis, & si sine prædicto mandato quidquam erogaverit, aut solverit, privationem Prælati incurret. Supradicta autem computa, & mandata omnia singulis trienniis, ante Capitulum, diligenter revideri debeant pro Provincia Lombardiæ per Abbatem Sancti Stephani de Cornu, & Aquæfrigidæ; & pro Provincia Tusciæ a duobus Prælati, qui non sint de regimine, deputandis per Capitulum, qui accuratam, & plenam relationem prædictorum omnium teneantur facere in Capitulo.

Tempore per Constitutiones ad eligendos Discretos deputato nullus Abbatum accedat ad aliena Monasteria, sed unusquisque in suo se Monasterio contineat; qui fecerit fecerit, voce activa in Capitulo careat. Electi in Discretos ad alia Monasteria se minime transferant, sed in Monasterio, in quo degunt, expectent discessum sui Abbatis, cum quo recta accedant ad Capitulum; si secus fecerint, voce in Capitulo careant; interim vero se informant de statu Monasterii, de quo interrogentur diligenter in Capitulo; & casu, quo non reperiuntur diligenter informati, sint inhabiles in futurum ad hoc, ut possint eligi in Discretos.

In virtute sanctæ obedientiæ præcipi-

mus, tam Discretis, ne quid omnino ab aliquo accipiant, etiam sponte dari volente, quam omnibus, & singulis Religiosis, ne quid eis dare audeant: quod si delictum hujusmodi quis commiserit, & fuerit sufficienter probatum, tunc tam dans, quam accipiens privationem omnium dignitatum, & officiorum incurrant, necnon inhabilitatem ad eadem, vel alia in perpetuum.

Sicut ex præscripto Constitutionum tenentur subditi singulis annis tradere Prælati inventaria rerum omnium, quas habent penes se, & contra facientes inter proprietarios censentur, & pœnis proprietariorum in utroque foro subiacent, ita imposterum Abbates, & Prælati omnes tempore visitationis, ipse autem Præses, & Visitatores tempore Capituli sub iisdem pœnis ipso facto incurrendis teneantur conficere Inventaria, in quibus cujuscumque generis res omnino, pecuniæ, & bona, quæ habent, quam diligentissime præscripta sint, eaque Abbates, & Prælati supradicti Præsidi, & Visitatoribus, Præses autem, & Visitatores Desinatoribus tradere teneantur reponenda, & conservanda in capsa triclavi supradicta: Visitatores autem, & Desinatores in hac re, juxta præscriptum Sacri Concilii Tridentini curare debebunt, ut unuscujusque Religiosi suppellex statui paupertatis, quam professi sunt, conveniat, nihilque superflui in ea sit, nihil etiam, quod necessarium sit eis denegetur.

Visitatio Provinciarum, ut serio, & diligenter habeatur, debeant omnino Præses, & Visitatores omnia, & singula Monasteria personaliter per seipso visitare, & in unoquoque per tantum tempus permanere, quantum necessarium erit ad visitationem plene, & accurate perficiendam, ideoque visitationibus peragendis deputentur menses Aprilis, Maii, & Junii, non obstante dispositione Constitutionum in hac parte: Visitatores autem utantur communi mensa, & frugali victu sint contenti, idemque serventur in Comitibus. Præcipitur vero in virtute sanctæ obedientiæ, ut tam ipse Præses, & Visitatores, quam eorum conversi, & famuli nihil omnino percipiant a visitatis, etiam sponte dare volentibus: quod si Præses, seu Visitatores quicquam accepisse, aut a conversis, & famulis ipsis scientibus acceptum fuisse probatum fuerit, inhabiles sint in perpetuum ad Præsentatus, & Visitatoriatu officia; & nihilominus conversi, qui acceperint, graviter puniantur, & famuli, absque spe redditus, a servitio statim eiciantur.

Abbas, Prior, & Revisores computorum teneantur singulis mensibus revidere computa, tam Cellerarii, quam aliorum omnium ministrorum, qui substantiam Monasterii administrant, singuli autem eorum adnotent in particulari scheda omnia supradicta computa, dictamque schedulam penes se custodiant, & tempore Capituli consignent discreto, ut deferat ad Capitulum: quod si Abbas facere neglexerit, de mala

mala administratione suspectus censeatur, ita ut adversus eum procedi possit.

Conversi deputari non possint ad administrationes extra Monasteria, ad officium Subcellerariatus, aut ad servitia particularia Abbatum, nisi post quintum professionis annum completum: qui secus aliquem deputaverit, voce activa in proximo Capitulo careat.

Nemini Monachorum, sed praesertim juvenibus non Sacerdotibus ullo modo detur licentia permanendi, recreationis gratia in loco, in quo sit eis pernoctandum extra Monasteria, vel loca Monasteriorum: Praelatus, qui adversus hoc licentiam concesserit, ab officio per sex menses suspendatur.

Abbatibus emeritis, qui ex legitima causa renunciaverint dignitati, liceat honoris gratia Abbatis nomine vocari, quod maluerint Monasterium pro habitatione tempore renunciationis, & celebrationis Capituli sibi eligere, habere conversum ad servitia sibi deputatum, & quoad victum, & vestitum ceteri jure Abbatum.

Nemini Praelatorum liceat pecunias Monasteriorum exigere, aut erogare, aut eas quovis modo contrahere, neque item in rebus Monasteriorum dividendis, aut necessariis comparandis per seipsos se immiscere, sed ea omnia per Cellenarios, aut alios Ministros, ad quos ex Constitutionum praescripto attinet, fiant: qui tamen Cellerarii, & Ministri teneantur in nullo modo rebus peragendis suorum Praelatorum praecipue obedire, nec quicquam nisi eodem Praelato jubente, & mandante, exequi possint: pecunie autem a Caplerio ad id minus specialiter deputato custodiantur in capsa triclavi, qua in singulis Monasteriis habeatur in cubiculo Praelati, earumque clavium unam retineat Praelatus Monasterii, aliam Caplerius, tertiam Cellerarius, per quem Cellerarium, seu alios Ministros, ad quos spectaret, ut supra, tam elemosynas, quam munuscula, si qua dari licuerit, dentur, de Praelatorum tamen mandato, aut licentia, ac servata forma Constitutionis Clementis VIII. de largit. maner. semperque rei, quae datur, qualitas, quantitas, & si fieri possit, etiam nomina eorum, quibus dantur, aut per quos transmittuntur, in libro dati, & accepti fideliter scribantur: quod si Praelati praedicta, aut aliqua eorum per se ipsos, & non adhibitis Ministris facere ausi fuerint, tunc in eos tamquam fraudis, & parum sincere administrationis suspectos, tam Capitulum, quam Visitatores, & Regimen procedant.

Si quis Praelatus, aut Religiosus privato nomine equos, & jumenta, pecudes, frumenta, blada, legumina, aut alios quoscumque fructus ex terra provenientes tenere, possidere, aut a Monasteriis emere, vel in solutionem accipere ausus fuerit, is praeter amissionem usus earum rerum omnium, & singularum, si Praelatus sit, poenam contra exercentes mercaturam, cap. 23. Constitutionum taxatam incurrat, Monasterium

chi, qui transgressores reperti fuerint, poenae inhabilitatis ad officia omnia, & dignitates subiaceant: Conversi denique per annum carceri emancipentur, & deinceps ab omni temporali administratione arceantur. Ad effectum vero probandi, quempiam privato nomine aliqua praedictorum tenuisse, aut possedisse, sufficiat probare, quod a die emptionis, adeptionis, aut captae possessionis, seu tentionis in libris publicis Monasterii scripta non fuerint.

In Visitatorem minorem assumi non possit, qui trigessimam aetatis annum non expleverit, alias electio nulla sit ipso jure.

Ex Patribus, qui immediate in Regimine resederunt, non possint tempore Capituli assumi in Definitorum, nisi ad summum duo tantum pro singulis Provinciis, quod si agatur directe, vel indirecte de negotiis ad personam, vel Regimen, seu Administrationem alicujus ex Definitoribus pertinentibus, tunc ipse, de cuius negotiis, ut supra, agitur, debeat omnino exire a Definitorio.

In Definitorio habeat omnino locum unus saltem ex Discretis pro singulis Provinciis, Patres Regiminis eandem habeant in Regimine durationem, & vacationem, quam habent Praelati in gubernio Monasteriorum, nisi forte assumendus sit aliquis ex distis Patribus in Praesidem.

Liceat Praesidi post finitum officium eligere sibi, quod maluerit ex Monasteriis suae Provinciae gubernandum, exceptis pro Provinciae Lombardiae Monasteriis Claravallis Mediolani, Sancti Ambrosii majoris Mediolani, Sancti Martini Parmensis, & Sanctae Crucis in Hierusalem de Urbe: & pro Provinciae Tusciae Monasteriis Septimi, Cistelli, Florentino, & Trimum Fontium de Urbe, ad quorum Monasteriorum gubernationem, sicut & in Procuratorem Provinciae in Curia Romana is, qui Praesidentatus munere proxime defunctus est, nullo pacto eligi valeat. Nullus Abbatum eligi possit ad loca Regiminis, nisi saltem per triennium fuerit Abbas.

Superiores omnes, praesertim Monasteriorum, in quibus viget regularis observantia, enixe hortamur in Domino, ac etiam eis praecipimus, & mandamus, ut in frequentando noctu, diuque Chorum, vita communi in Refectorio agenda, ceterisque observantiis omnibus, quae per Regulam, & Constitutiones praescribuntur, exacte obeundis, subditis exemplo sint. Nullus possit eligi ad exercenda officia, qui praeter alias condiciones, & requisita, non habuerit decem annos completos professionis, alias electio sit nulla, & electores facultate eligendi deinceps careant. Officia Prioratus, Cellerariatus, & Magistri Novitiorum non vacent singulis annis, sed sint triennalia, ut olim observabatur.

In Abbatem deinceps nullus assumatur, qui non habeat sufficientem scientiam ad exercendam curam animarum, alias electio sit ipso facto nulla: supradictam autem scientiam ad hunc effectum eos tantum

tum habere intelligi volumus, qui pro Provinciae Lombardiae ad exercendam curam animarum approbati fuerint ab Ordinario Mediolanensi; a Florentino vero pro Provinciae Tusciae, vel pro utraque Provinciae ab Urbis Vicario, sive ab alio Ordinario per Eminentissimum Cardinalem Protectorem, pro tempore existentem, deputando.

Capitulum duret saltem per octo dies, & singulis diebus bis congregetur definitorium duraturum singulis vicibus saltem per tres horas. Constitutio, qua disponitur, ut Praesens resideat in partibus Mediolani, intelligatur de Monasteriis non distantibus ab Urbe Mediolani ultra dictam, in quibus alias non sit prohibitum residere Patribus Regiminis. In proximo futuro Capitulo ad praescriptum decreti de celebratione Missarum, taxetur numerus Religiosorum, in unoquoque Monasterio retinendorum, juxta ejusdem Monasterii redditus: & idem fiat de famulis, & equis, quo taxato non licebit Abbatibus numerum, etiam famulorum, & equorum augere, sub poenis expressis in supradictis decretis.

Erigatur in Monasterio deputando in proximo Capitulo aliud Collegium in Provinciae Lombardiae, in quo habeantur saltem decem Collegiales, & decem alii Collegiales retineantur pro Provinciae Tusciae in uno, vel pluribus Collegiis: ad quem effectum debeat in futuro Capitulo unum, vel alterum Monasterium deputari. Novitii non recipiantur in ipso Capitulo, & priusquam admittantur ad habitum, debeant omnino degere in habitu seculari per duos menses in Monasterio sub regulari observantia. Circa receptionem vero, & qualitates eorumdem serventur decreta Clementis VIII., & constituatur omnino professorium, in quo pariter serventur decreta ejusdem Clementis.

Pro sustentatione Monachorum Monasterii, & Collegii S. Crucis in Hierusalem de Urbe, & aliis nonnullis oneribus, & expensis, quae in Urbe consueverunt fieri pro Provinciae Lombardiae, de quibus in scheda per Praesidem, & Abbatem Sanctae Crucis subscripta, assignentur redditus bonorum de Viono, quorum administratio ad Abbatem pro tempore S. Crucis, vel ad eos, qui eidem Abbati benevisi fuerint, spectabit, quamdiu Collegium in praedicto Monasterio S. Crucis perseverabit: quod si Collegium aliud transferri, aut quovis modo in dicto Monasterio cessare contigerit, tunc, & eo casu redditus, & administratio bonorum de Viono ad capsam, quam vocant triclavam, pertineant, prout hactenus pertinuerunt: contributiones autem pro Collegii sustentatione Monasterii in proximo praeterito Capitulo impositae, ipsi capsa Congregationis persolvantur, quamdiu redditus praedictorum bonorum de Viono Collegii sustentationi deputati manserint. Per supradictos autem articulos pro reformatione dictae Congregationis formatos, non intelligitur derogatum in aliquo decretis Bull. Rom. Tom. VI. Par. I.

S. Concilii Tridentini, ac sel. recordationis Clem. VIII., & SS. D. N. quoad Regulares editis.

§. 2. Nos inviolabili Constitutionum, ac Statutorum hujusmodi observationi, felicitate earundem Congregationum directioni, quantum Nobis ex alto conceditur, prospicere, ac Praesidem, & Monachos praedictos specialibus favoribus, & gratiis prosequi volentes, eorumque singulares personas a quibuscumque excommunicationis, suspensionis, & interdicti, aliisque ecclesiasticis sententiis, censuris, & poenis a jure, vel ab homine, quavis occasione, vel causa latis, si quibus quomodolibet innodatae existunt, ad effectum praesentium dumtaxat consequendum, harum serie absolventes, & absolutas fore censentes. Motu proprio, & ex certa scientia, ac matura deliberatione nostris, Constitutiones, & Statuta praesentia hujusmodi, apostolica auctoritate, tenore praesentium perpetuo approbamus, confirmamus, illisque inviolabilis apostolicae firmitatis robur adiciamus, ac omnes, & singulos, tam juris, quam facti, ac solemnitate omniis facti, & quovis alios, etiam quantumvis substantialiter defectus, si qui desuper quomodolibet intervenerint, aut intervenisse dici possent, supplemus.

Confirmatio, & approbatio Statutorum.

§. 3. Decernentes, illa in praedictis Congregationibus ab omnibus, & singulis, ad quos spectat, & in futurum spectabit, inviolabiliter observari, & adimpleri omnino debere, irritumque nihilominus, & inane, quidquid secus super his a quoquam quavis auctoritate, scienter, vel ignoranter contigerit attentari.

Decretum irritans.

§. 4. Non obstantibus Constitutionibus, & Ordinationibus Apostolicis, ac quatenus opus sit, Ordinis, & Congregationum hujusmodi, etiam juramento, confirmatione apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis, in contrarium praemissorum quomodolibet concessis, confirmatis, & innovatis. Quibus omnibus, & singulis, eorum omnium tenores praesentibus pro plene, & sufficienter expressis habentes, illis aliis in suo robore permanentibus, hac vice dumtaxat specialiter, & expresse derogamus, ceterisque contrariis quibuscumque.

Contractionum derogatio.

Datum Romae apud S. Petrum, sub Anulo Piscatoris die 21. Martii 1631. Pontificatus nostri Anno VIII.

Dat. die 21. Martii 1631. An. VIII.